

# 廣東歷代詩僧簡介（十一）

慧光居士

## 今鷲

今鷲字慧則，樂說和尚（即今辯）從兄、邑諸生，原名向高，與兄舒齊名，世亂隱居山野，不入城市，教授生徒自給。樂公侍棲賢，作書招之，喻以生死大事，忻然脫白衣緇。乙巳受具，充丹霞化主，頃待天老人於歸宗。乙卯歸雷峯，典客六年。時福州長慶叢席久虛，紳士再三懇老人主法，領之，選上首耆宿先行經理，遣鷲與作金聲公覺大邈公入閩。會老人退休淨成，遂留長慶守待，性坦率不隨人俯仰、所至皆有能聲。至老人入涅後，歸雷峯坐蛻。

次韻答謝宛在時歸海雲

身共寒雲入庾關。海天棲泊是家山。病來鍵戶三秋寂。老去休心盡日閒。猶喜故交飛尺素。時吟高詠落前灣。池蓮風起霜鐘動。莫惜巾車時往還。

初春登馭濤閣分得寬字

閒從支許倚危闌。淡蕩春風縱目寬。東注洪波歸控馭。北迷烟樹望瀾漫。侵雲雙塔嶺峻出。背日千帆轉側看。今古滄桑成夢幻。畫圖舒卷且盤桓。

壽監院應公

僧多六十作閒人。君正勤勞在六旬。心等虛空無彼我。病除四大益精神。可知難處真如幻。莫作歧看冤亦親。吾道埋頭風雪下。不須颺頌落聲塵。

晚步松嶺

依依巖畔挺虬姿。猶愛寒雲戀舊枝。小立斜陽離幻境。抗懷千古在斯時。蟬吟風葉如知晚。鶴啄霜毛亦覺衰。賸有枯藤長作伴。竹坳松島一支持。

陳顛菴先生讀慧則詩絕句云：時吟高詠出禪關。一落前灣亦等閒。

。俯仰隨人已多事。埋頭風雪即家山。

## 今傲

今傲字敬人，番禺人，族姓陳，原名虬起，邑諸生，靜默寡言，少從孝廉梁祐達結淨業於芳草精舍。時本師天老人與千山剩人和尚二嚴大師倡道於羅別駕賓王散木堂，傲從諸弟子獲聞緒論。丙戌亂後，遂棄章縫。丙申居雷峯，以居士充書狀，戊戌始離落受具。歷典清職，後居丹霞，因病辭歸雷峯，未幾坐蛻。送見一桃公還匡廬

歸時春草綠。還日菊花黃。千里匡廬道。一年來去忙。與師期不負。別我語難忘。未得相從處。臨期思更長。

初入丹霞

丹崖翠律意中傾。親到方知分外明。千仞懸崖通一線。四山羅列湧孤擎。樹如荒薺臨川口。地本蓮花載化城。最是晚來霞蔚起。重重古錦裏崢嶸。

陳顛菴先生讀敬人詩絕句云：舊事聯盟散木堂。蕭條詩侶各風霜。閒情一衲烟雲地。獨坐丹霞賦夕陽。

## 今讀

今讀字離言，福建漳州人，辛丑至雷峯依禪師會下，尋典賓客，後入丹霞。

送石（鑑）西堂入住棲賢

暮雲稠疊氣森森。杖笠飄然返舊林。手拂烟霞千里道。鉢招龍象一峯陰。瓣香燒禮金輪頂。苦茗行探玉井深。去住難忘離別意。古梅花下獨沈吟。

陳顛菴先生讀離言詩絕句云：西堂既去少知音。除是丹霞入再深。別以一詩尋未著。古梅花下獨沈吟。

## 今佛

今佛字千一，新會人，李姓，邑諸生，慷慨節烈士也。世亂，父爲豪猾所害，鬪門老幼皆被其僇，佛匿山澤間得免，潛避親串家，日夜思報父仇，久之，猾亦輕其孱息，不復置念，單騎出入，自忘戒備，佛藏刃懷中，詞伺得閒，一日遇猾道左，立刺其胸，割其首鳴之於官，官憫其孝，原之。遂易服禮華首老和尚剃度受具，充芥菴監寺，後事天老人爲棲賢典客，卒於丹霞。

遊羅浮合掌巖  
連峯疊翠與雲齊。中有前時隱士溪。千歲未歸華表鶴。一灣長繞紫芝畦。隴頭但見秦人少。山角空聞謝豹啼。幾度臨風倍惆悵，不禁吟到夕陽西。

仙山如畫染烟嵐。暫得登臨結韋衫。古徑寒香梅綻雪。飛空靈籟瀑穿巖。一枝渺渺窮雲竇。五色熒熒發石函。長路盤桓歸已晚。滿天霜月照松杉。

陳顒菴先生讀千一詩絕句云：此身伴侶一吳鉤。了得家仇又國仇。佛境清涼詩境遠。滿天霜月照松楸。

## 今錫古毫

今錫字解虎，新會人族姓黎，原名國寶，邑諸生，少修梵行，早有出世之志，遇天老人，即求脫白受具。初爲海雲典客，會阿字大師分座海幢，營建方輿，百務叢集，監院甚難其人，禪師命錫充之，左右劬維，法門大振，尋遷都寺。性慈和，生平無厲色暴聲，與人殷殷有真意。工行書，臨帖以指劃襟，襟爲之穿。其子月旋亦依止海幢，並稱耆德。

海雲春日  
融融春色海雲東。峰點青螺曉日籠。樹裏樓臺斜間綠。水邊欄檻烟高紅。松聲謾謾聞清楚。香氣微微逗晚風。佇立溪橋心已遠。不知身在畫圖中。

古毫字月旋，海幢解虎錫公之子，齟齬從鼎湖棲壑和尚落髮受具，遷住海幢，執侍阿大師丈室，尋爲典客。父子皆以勤勞著，敏慧出羣，氣宇軒豁，人樂與之遊，雖貴遊傲誕，能以理調伏。工

水墨蘭石，每踞地灑水學習，惜早晚不能究道爲可悼也。

送光泮尊宿遠遊  
雲路渺無際。師遊何處山。故林今日別。高興幾時還。春色五湖上。風光兩足間。當憐明月夜。空自掩柴關。

晚遇湛公山院

暮雲生遠壑。偶步到禪關。野鳥歸林靜。疏鐘入夜閒。拂琴鳴怪石。乘月坐空山。高興不成寐。焚香笑語間。

送池月上人住潛溪精舍

知師常習靜。不欲市塵喧。自闢精廬隱。相連野老村。竹門當浦岸。潮水入田園。對此幽棲事。無妨寄一言。

題安期巖

跨鶴人何去。求仙事孰論。澗蒲猶石上。瓜棗但名存。巖下衆峯小。雲中此地尊。焉知壺裏外。別有一乾坤。

送會木上人

何事百城去。知君意自深。未到無行地。難忘去住心。春花開岸影。溪水度雲陰。莫向高峯上。令人不可尋。

海幢鷹爪蘭

移來何處此花神。半畝濃陰寂寂春。蓮社千年留勝跡。天香萬里動遊人。連雲覆石蒼苔古。當暑舒英玉爪新。不是精藍收拾得。王孫終誤醉芳塵。

華首臺禮空和尚影堂

四壁蕭蕭影尚遺。焚香獨拜不勝悲。蝸牛跡滿翻經石。螭子羅張入定幃。山裏樓臺仍舊日。堂前松柏長新枝。獅弦欲聽知難得。惟有寒風徹夜吹。

陳顒菴先生讀解虎月旋詩絕句云：劃襟臨帖襟爲絕。踞地寫蘭蘭自香。書畫與詩名父子。海幢瓶鉢益芬芳。

## 今墮

今墮字止言，番禺黎氏子，原名啓明，字始生，喜談論，尙氣節，因鄉亂，其兄遇難，遂無意於世，盡散家產，結納名賢。父老逼其成婚，正襟危坐，達旦而逃。己丑求天然禪師薙染受具，命

爲訶林監院。頃奉書入閩省覲長慶師翁。歸雷峯遇戒期推選闍黎，時澹歸和尚登具，深識其師資，禮敬尤殊，巾錫相隨者數載。墮勇於辦道，誠佛窟之爪牙，年不逮行，甚爲諸老所惜。臨終老人偈示，許其再來付囑，時已亥冬月也。澹和尚開丹霞別傳寺，崇報先德，位與列焉。

酬務光族姪折梅見寄  
草閣冬深擁竹爐。雪邊猶憶隱菰蘆。行攀玉樹尋寒谷。撚斷冰鬚寄病夫。靜對紙屏愁影遠。閒憑木榻笑禪枯。長吟麗句松風下。猿鶴消聲海月孤。

同澹書記觀張登子所藏曹將軍畫馬卷

江東張翰客佗城。犀軸瑤籤載共行。神駿豈期傳尺素。丹青端不愧鴻名。卽看瘦影如山立。安得寒蕪展足輕。支遁近來諸想盡。畫圖相對亦留情。

台引姪過海幢示贈

視予猶子惟君祖。十載爲僧意一如。我出世間常戴笠。相逢塗路忘乘車。己將文字酬知己。莫惜艱難續父書。若向長安重獻賦。欲尋深隱在匡廬。

寄王人土

孤踪飄寓行何如。外氏能依卽魏舒。華管獨研平子賦。草堂閒搦右軍書。囊開古錦存先澤。地積蒼苔失舊廬。見說重修雨花社。休將疏散託清虛。

陳顥菴先生讀止言詩絕句云：立意眞誠造語超。海雲諸侶數風標。相思獨抱東籬菊。傾倒高人薛二樵。

## 今端

今端字毫現，新會蔣氏，幼爲章縫之士，生長富室，衣絲曳縞，持梁刺肥。晚好茹淡服素，視家世豪華，忽如朝露，初易儒服於雷峯，遂稟具隨老人主法丹霞，推爲龍護園主。龍護乃丹霞僧郵居雄州孔道，能接待十方雲水。久之還雷峯，教習諸初學，手不釋卷，休老而終。其子一子相繼出世爲寮元。

贈監寺應公

山前花木漸成陰。知是吾師灌溉深。纔着大衣稱典客。忽聞高行管叢林。身如秋鶚終朝運。貧似寒癭竟夕吟。慚愧暮年無一事。飽餐香飯感慈心。

題龍護園

嶺雲深鎖一菴孤。路入丹霞暫宿舖。到粵漸探珠翠穴。出關先問鳳凰都。天寒野岸呼猿狖。烟雨荒林弔鷓鴣。暮鼓晨鐘吾底事。幾經勞旅歎窮途。

陳顥菴先生讀毫現詩絕句云：暮鼓晨鐘烟雨親。吟猿嘯鶴和聲頻。高歌雲水孤菴路。指引丹霞得幾人。

## 思鄉懷弟

韓堯森

「鳥飛返故鄉兮，狐死必首丘。」禽獸尙有思鄉之意，何況人呢！近廿載客居的生活，深感人情冷暖，世態炎涼的可怕，在隻影形單的時候，對好客的鄉里和活潑的弟弟，產生無限的懷念，今日天各一方，會面無期，而前塵往事是唯一的安慰，然而昔日後院的一株樹苗，不但使我內咎日增，也觸起我思鄉懷弟的感慨。

事源於某年清明，返鄉掃墓，忙了一二天後，掃墓的工作已經完畢，兄弟兩人一同坐在門檻上，彼此相對無言，我忽然發覺對面的畦圃上，生長着一些青葱可愛的柑橘樹苗，因此我也希望在我們後面的荒地上種上一株。最便捷的方法是去偷一株，自己胆怯，却要弟弟去偷回來，自此之後，各散東西，而那株樹苗却令我留下不可磨滅的內容。

隨着學問和經驗的增長，深悔當時年幼無知，做出了損人利己的勾當，更有導弟弟入邪道的嫌疑，這是內咎的主因，既然知錯，就要防止重蹈覆轍，時刻反省，同時也聯想我那久別的弟弟和故鄉，可惜關山難越，唯有借「共看明月應垂淚，一夜鄉心五處同。」來表達我的心聲吧！